



Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 36. Bajardi Equitis obitus.

[urn:nbn:de:hbz:466:1-66495](#)

Sæcul. XVI. compelleretur, qui postmodum in le-
A.C. 1524 ctica trans pontem deferri voluit, veri-
 tus, ne in Borbonii Ducis inimici sui
 manus incideret: Priusquam vero sece-
 deret, Bajardum Equitem ad se accer-
 situm allocutus, prærepta mihi est, aje-
 bat, pugnandi copia; quapropter tibi,
 quem ceteris magis idoneum veneror,
 exercitus imperium cedo. Bajardus na-
 tivo animi sui candore respondit: tarda-
 nimis sunt hæc consilia, nec malo re-
 medium supereft, nihilominus etiam
 cum dispendio vitæ obsequia patriæ
 meæ debita præstare conabor. His di-
 gitis regiminis curam partiebatur cum
 Vandenesso Chabannii Marescalli fratre:
 Igitur ambo junctis viribus hostium im-
 petus infracta virtute sustinebant, eos-
 que tam fortiter repellebant, ut Bonive-
 tus cum Gallorum exercitu redeundi spa-
 cium nanciseretur: hæc tamen virtus
 utriusque Herois sanguine ac vita stetit;
 quippe Vandenesus sclopi globo traje-
 ctus, suoque lapsus equo occubuit, Ba-
 jardus vero eodem ferme momento,
 eademque glande comminuta vertebra
 lethale vulnus accepit.

§. XXXVI.

Bayardi Equitis obitus.

Referunt Historicorum nonnulli, quod
 Bayar-

Bayardus, postquam equo descendens, Scen. XVI.
 arborique innixus in terra verso ad ho- A.C. 1524.
 stem vultu sedisset, deficiente Sacerdo- *Hist. du Che-*
 te, animi demissione impulsus peccata *valier Ray-*
 suæ mensæ Præfecto patefecerit. Hunc *nald. c. 55.*
 Borbonius, cum eum vidisset, adiit, § 65.
 miseramque illius vicem dolens inquit: *Mem. du*
 „ Bellidux Bayarde! casu tuo vehe- *Bellai l. 2.*
 „ menter commoveor, ac in tanto do- *Guicci. l. 15.*
 „ lore tuo pari prope molestia afficiar;
 „ te enim ob animi fortitudinem, tu-
 „ amque prudentiam maximi semper
 „ habui, hinc etiam nunc fortem tuam
 „ summopere misereor. „ Cui Bayar-
 dus magnanimo prorsus animo repro-
 fuit; Princeps illustrissime! gratias ti-
 bi rependo; ast tua de me superflua est
 miseratio; morior enim non sine fama
 obsequiorum, quæ Regi meo præstiti,
 tu vero miseratione dignus es, qui con-
 tra Regem tuum violata fide, ac jura-
 menti Religione arma capeſſis. Ad hæc
 Borbonius adeo non Bayardi liberta-
 tem indignatus, ut etiam defectionem
 suam nonnisi incurso Regis odio excu-
 saret, quem Bayardus morituris jam
 atque hiulcis vocibus adhortabatur, ut
 in Regis gratiam rediret, atque iniqua
 abjiceret consilia, in quæ cæco prorsus
 impetu præcipitem fese dedisset. Su-
 perveniebat paulo post & ipse Piscarius
 Marchio, qui morienti haud vulgari-
 bus

Sacul. XVI. bus signis suum in eum affectum ac venerationem testabatur , simulque eodem in loco tentorium pro illo erigi jubebat , tantoque obsequio , quo magis nec ab ipsis quoque amicis sperare potuisset , illum prosequebatur . Defunctum non minus Cæsarei quam Galli lugebant , & Piscarius corpus ejus aromatibus condiri , ac sub honorifico præsidio ad suos Propinquos remitti jussit , funus comitante illius Magistro domus , cui Borbonius Dux securitatis literas tradidit . Deferebatur autem Bayardus in Delphinatum , & sepeliebatur in Templo Fratrum Minorum in Plana prope Gratianopolim . Obiit Menfe Aprili Anno millesimo quingentesimo vigesimo quarto , nonnisi quadraginta octo annos natus .

Obitus sui fama pene ceterorum omnium , qui pari fato occubuerant , memoriam oblitterabat , Rex quoque tanti Viri jacturam assidue plangebat , nec unquam nisi adjecto elogio illius mentionem faciebat ; communi enim omnium suffragio dicebatur , quod præter eum nullus hucusque jure magis merito Eques probus , intrepidus , nullaque reprehensione dignus fuerit appellatus .

§. XXXVII.